

西洋朝貢典錄

欽定四庫全書提要

西洋朝貢典錄三卷明黃省曾撰省曾字勉之吳縣人嘉靖辛卯舉人明史文苑傳附見文徵明傳中是編紀西洋諸國朝貢之事自占城以迄天方爲國二十有三國各一篇篇各有論凡道里遠近風俗美惡物產器用之殊言語衣服之異靡不詳載攷明史外國傳其時通職貢者尙不盡於此錄省曾止就內侍鄭和所歷之國編次成書餘固未暇及也末有二跋一爲東山居士孫允伽一爲清

常道人趙進美允伽稱此書初未付梓得其手稿
錄之進美謂其章法句法頗學山海經信爲奇書
錢曾讀書敏求記亦載之然其精華已採入正史
餘亦無他異聞也

西洋朝貢典錄自序

西洋之跡著自鄭和鄭和永樂初爲內侍是時太宗皇帝入繼丕緒將長馭遠駕通道于乖蠻革夷乃大賚西洋貿琛琛異命和爲使貳以侯顯妙擇譯人馬歡輩從之行總率巨艘百艘發自福州五虎門維綃掛席際天而行自是雷波嶽濤奔騰踔楫掣掣洩洩浮歷數萬里往復幾三十年而身所至者僅二十餘國云自占城西南通國以十數蘇門最遠自蘇門而往通國以六七數柯枝最遠自柯枝而往通國以六七數天方最遠蓋去

中國數萬餘里矣故惟天方至宣德始通焉由是明月之珠鴉鵲之石沉南龍速之香麟獅孔翠之奇梅腦薇露之环珊瑚瑤琨之美皆充舶而歸凡窮島日域紛如來賓而天堂印度之國亦得附于職方雖曰天子威靈致然而二三中臣捧數行之詔蹈邈絕之境百尺所至靡不柔慍東向而稽首其殆不辱君命而善于懷誘者亦賢矣哉愚嘗讀秦漢以來冊記諸國見者頗鮮至前元號爲廣拓而占城瓜哇亦稱密邇迺堅不一屈內款至勤兵越關者數年竟不得其要領至今遺笑于海上

入我聖代聯數十國翕然而歸拱可謂盛矣不有紀述
恐其事湮墜後來無聞焉余乃摭拾譯人之言若星槎
瀛涯鉞位諸編一約之典要文之法言徵之父老稽之
寶訓始自占城而終于天方得朝貢之國甚著者凡二
十有三別爲三卷命曰西洋朝貢典錄云正德庚辰夏
六月二十九日吳郡黃省曾撰

西洋朝貢典錄卷上

指海第三集

明 黃省曾 撰

占城國第一

真臘國第二

爪哇國第三

三佛齊國第四

滿刺加國第五

淳泥國第六

蘇祿國第七

彭亨國第八

琉球國第九

占城國第一

其國在廣州之南可二千里南際真臘西接交趾東北

臨大海

福州長樂五虎門張十二帆大船西南善風十晝夜程

由福州而往鉞位

取官塘之山又五更取東沙之山過東甲之嶼又五更

平南澳又四十更平獨猪之山又十更見通草之嶼取

外羅之山又七更收羊嶼

海行之法以六十里爲一更以托避礁淺以鉞位取海道

國東北百里巨口曰新州港港之潯標以石塔其寨曰

設比奈二夷長收之戶五六十餘港西南陸行百里爲

王之都城其名曰佔城壘石爲之四方有門門有防衛

其王修浮圖教王之冠三山金鍍花冠服五色花布長

衣下圍色絲帨其出入乘象或小車服以二牛其臣菱

葦之冠制如王飾以金綵辨品級服冒膝色布帨上下
跣足其服色元黃紫無禁白辟用其遇天詔至也王則
花冠錦衣束八寶方帶腕金鐲服玳瑁履乘象出郊介
而從者五百人或舞皮牌或擊鼓或吹柳筒或執兵皆
夾王而趨至則王膝行以迎其王之宮峻而廣蓋以修
瓦繚以垣以堅堅之宮之門以堅木雕百獸以飾其臣
之居高下有制民檐過三尺有爵蓋以茅其定歲以月
生晦爲一月十二月爲一歲無閏其俗午而興子而寢
晝夜十更記以鼓以粉書葦爲書記性愛其首

羊皮搥
蒲或樹

車
皮薰黑或摺削細竹爲管蘸白粉書字如蚯蚓委曲之狀或誤觸其首卽有陰殺之恨

其婚禮先會于女家旬之後男之父母宗戚鼓樂以迎男婦歸則飲酒以慶其制刑五一曰杖脊杖以藤二曰則三曰貫削木以堅木削銳樹之舟以貫罪人之後末出于口泛水而爲警四曰烙面用之奸五曰斷手用之盜

其國之恠異一曰鱷魚可以辨訟二曰屍頭蠻是食嬰孺國有大潭名曰鱷魚凡訟不決令兩造騎牛渡潭曲孺者鱷魚食之直者屢過不食屍頭蠻一曰屍致魚卽民家女子生而無瞳子者夜寢飛頭往食嬰兒鼻尖兒被妖氣卽不育頭似飛回若候飛去移其體別處則回

不得合而死民生此女不
白之官除殺者罪其家

其常食曰栴榔裹以萑葉包以蠶灰食不絕口飲曰甕
酒甕酒者造以飯和以藥封之甕中以生蛆爲熟凡飲
則截織竹三尺竅其中插于甕人則圍坐視多寡而入
水輪次以啞飲至味薄乃不入水見月則飲酒而歌其
交易以淡金以銀其利魚鹽其俗耕田其穀宜三種其
畜宜六擾國之馬如驢

三種黍稷稻也六擾
馬牛羊豕犬鷄也

其王元日沐浴用人膽以和部領獻以爲禮謂云通身
是膽也其家亦以酒飲其王在位三十載則齊戒于深

山一載而復位國人稱爲昔嚒馬哈刺扎入山子弟攝國日齋戒而

誓天曰我爲王不道願狼虎食我或病亡我替年其山

不死仍反位昔嚒馬哈刺扎乃至尊至聖之號

有迦闌香一曰奇南其色紅紫是產也乃海外之特品
有視守以禁私採價以銀對多降香烏木國以爲薪烏
木黑潤皆冠絕于他產有竹焉其狀如荊藤色如鐵寸
有三節高幾二丈名曰觀音竹有獸焉其狀如牛黑質
無毫麟紋而三跲鼻戴一角其

象有野水 必羣而出人之青衣者則觸而死有

鷺鴨其鷄足二寸紅冠白耳曲腰高尾人置掌中亦啼

多梅橘甘蔗椰子芭蕉子多茄瓜葫蘆有果焉其狀如
瓜皮如荔支黃肉如鷄卵味如蜜子如鷺腎味如栗其
名曰波羅蜜其國之隸有賓童龍國山地與占城相接
其國有雙溪之澗水極澄澈有目連遺趾其居喪之事
有三一曰縞服二曰設佛事薦死三曰擇地而葬婚姻
偶合是多屍致魚之妖民咸廟祀之以禳其酋長出入
從以百人讚唱曰亞曰僕其衣服民俗與占城同有山
焉峻嶺而方曰靈山其俗耕田田稻山多黑紋藤杖以
斗錫條易之紋踈者可一錫而三條海舶常樵汲於此

或然水燈以求利涉其與占城鼎峙而望者有崑崙之
山盤礴千里其北有弓鞋之嶼山之下曰崑崙洋其水
不見山二十五托溝內可五十托過溝可三十五托舶
之往西洋者善風七晝夜始盡此山其民漁採而食巢
穴而處其狀怪而黑

諺曰上怕七洲下怕崑崙
崑崙迷航失人船莫不

又有東西

竺之山東竺一案而兩嶼西竺亦一案而門內之水可
三十托外之水可三十五托龍從對峙人有蓬萊方丈
之稱焉土不宜穀資于淡洋男女斷髮繫占城之布其
物有木綿椰簟卧之夏涼而冬煖淡洋者四周皆山有

大溪焉經帶二千餘里而注于海其流清而甘過舶汲

焉其田膏腴田稻民俗亦淳厚也其朝貢以三載其傳

位受皇帝之封

洪武二年其主阿搭阿者首遣其臣虎都蠻來朝貢詔遣中書省管勾甘桓等

封爲占城國王四年遣使奉金葉表來朝貢十六年復

遣子來賀聖節乃遣使賫與勘合文冊二十四年復來

朝貢以其臣弒立命絕之永樂後其國與諸國皆來其朝貢始定每三年一來正統後其國襲封遣使行禮其

貢物象牙犀牛角犀孔雀孔雀尾橘皮抹身香龍腦薰

衣香金銀香奇南香土降香檀香柏木燒辟香花黎木

烏木蘇木花簾香燕窩番紗紅印花布油紅綿布白綿

布烏綿布圓璧花布花紅邊縵雜色縵番花手巾番花

手帕兜羅綿被洗白布泥

論曰周公云德不加焉則君子不饗其質政不施焉則君子不臣其人信斯言也廼觀占城洪武中數與安南鬪爭高皇帝降賜璽書諭令修睦卒憬悟相調保傳境土及正統後凡嗣王必請命而冊封焉則德政之被于諸國者深矣宜乎世世獻琛於天庭也

真臘國第二

按宋史西接蒲甘南抵加羅希國所部有六十餘聚落

其國在占城之南東臨于海乃海南都會之所王居之城方七十餘里有石河焉廣二十丈宮殿凡三十餘座

咸壯麗其男女皆椎髻服以衫其利魚鹽齒羽其穀宜
五種其俗富侈飲饌之器皆以金銀爲之其土氣恒煥
歲時列玉猿孔雀白象犀牛于前名曰百塔之會會之
日則然香而禮佛其刑有剕則刺配斷支之等有番人
唐人之等

番人殺唐人則誅唐
人殺番人罰金而已

其土物多黃臘孔雀翠

羽多速暫香沉香其沉香之品有三綠洋爲上三漈次
之勃雍又次之有木焉其狀如松老而脂溢其名曰篤
耨香其氣清遠土人以瓢取之有木焉其花如林檎榆
葉而李實其名曰歌畢陀其花如木瓜杏葉而楮實其

名曰毗野有木焉其狀如菴羅榆葉而長條黃花而青

子其名曰蘇方可用以染有魚焉其鼻如象能吸水上

噴四足而無鱗其名曰建同其狀如鰓口如鸚鵡八足

其名曰浮胡其朝貢不常

洪武六年其王忽兒那遣其臣柰亦吉郎等表獻方物厥

後朝貢不常

其貢物象象牙蘇木胡椒黃臘犀角烏木情花

木土降香寶石孔雀銅

論曰真臘肇自刹利氏章矣至宋慶元間大舉下占城
墟其國兩名占臘氏是時戰象幾二十萬地方七千餘
里蓋南海盛疆國也洪武初廼自重譯而來賓不謂聖

世威靈之遠也哉

爪哇國第三

按國朝志本古闍婆國元史爪哇國傳自泉南登舟行者先至占城而後至其國

其國在占城南可一千里由占城而往針位取靈山靈山之水可六十托又五十更曰蜈蚣之嶼由嶼尾礁而西五更平冒山又十更望東蛇龍之山貫圓嶼雙嶼之中經羅幃之山山之水十有八托又五更取竹嶼又四更取鷄籠之嶼又十更至勾欄之山可以治薪水又三十更平吉里門之山又五更平胡椒之山又三更平那

參之山由是而至杜板又五更而至瓜哇之新村其都
曰滿者伯夷國無城郭其王之宮室巍牆而重門其制
如樓蓋以板坐以簟席牆高三丈餘以磚爲之周二百餘步以堅木板代瓦宮室甚整潔每三四人布板展細簾其民之居蓋以茅其藏百物
簟或花草席趺其上

咸以庫庫以磚爲之其高三四尺居止坐臥于其上其
王被髮或冠金葉花冠裸其跣下圍絲嵌悅腰纏以錦
綺佩以刃其名曰不刺頭其出入乘象或牛車其輔八
人其國人男子被髮佩刃三歲以上無貴賤俱佩不刺頭皆兔毫雪花最上鍔鐵爲
之以金爲柄或以犀角
象牙雕鏤人物之狀
女子惟髻上衣下圍悅男女咸

愛其首觸之則出刃以刺國無鞭笞其刑惟戮其戮也

以簾反縛擁行數步而刺焉殺人者避之三日則原卽

獲者死其番人居杜板者戶千餘杜板之水曰聖水

番名賄班元史曰杜馬班夷長主之其間多廣東漳州

流戶海濱一池國人傳云元將史弼高興征閩婆經月

不得登岸絕水高史視天甘泉湧出故名聖水居新村者戶千餘一曰革兒昔

原杜板東行半日至革兒昔原初亦古灘以國人初居

甚富編菱章葉覆屋舖肆聯次爲市居蘇魯馬益者戶千餘一曰蘇兒把

牙新村南行一日抵淺港其地多猴欲孕者禱之

林木森鬱中棲長尾猴萬餘老黑雄猴爲之長一老番

喜則食衆猴食其餘隨有雌雄二猴來前交感歸卽孕
矣不食不交則無孕土傳唐之時有民丁五百餘口皆
無賴有神僧至其家囑化爲猴止留一姬不化舊宅尙
存按宋史山多猴不畏人呼以霄霄之聲則出或投以
果實則其大猴二先至土人謂之猴王居滿者伯夷者
猴夫人食畢羣猴食其餘無求孕事

戶三百餘

蘇兒把牙小舟行七八十里至一埠
番名漳沽登岸西南行日半至國

其國寢

無榻食無匕筯其食也嗽盥而團坐盛以酥飯撮而食

飲水以檳榔葉醴灰其饗賓也亦然其國人惟三等回

回人唐人土人

回回人皆諸番商之流寓者唐人皆廣
漳泉人窟居者服食俱美潔土人形貌

醜黑獠頭跣足崇信鬼教飲食穢惡
蛇蟻蚯蚓火炙而食食寢皆與犬同其國有罔象之妖

其上下移文稱一千三百七十六年

考之肇其建歲首
于西漢

以十月是月也王乘塔車出作竹鎗會

凡往會所妃前王後俱乘塔車

車高丈餘四鑪兩輪服以馬民各携其妻伍列而執刺竹之鎗妻執三尺木槌鼓嚴而闐緩而止凡三交妻各以木槌格之曰那刺那刺則退凡刺死敵人者其婚禮勝勝者以金錢一文與死者之家人而有其妻其婚禮

會于女家三日歸歸則迎以樂送以綵舟

男之父母迎歸擊銅鼓鑼

吹榔殼筒環以火銃短刀團牌婦被髮裸跣圍絲帨悅頂被金珠絡腕有寶錫親朋鄰黨以檳榔葉絲紉草花植挿彩船送之爲禮至其家開宴數日其送死有三一曰火化二曰棄水

三曰犬食其妻妾多殉死

言父母將死子先請所欲以遺

食盡則喜不盡則悲號而棄于海凡頭目妻妾之誓殉死者架木塔積薪焚棺之際簪飾草花披五色花帨哭踴赴火同焚其民富其交易用中國歷代錢其穀宜稻菽歲

二穫其畜宜六擾其書記以刀刻菱葦葉文字如鎖俚
凡爲權衡二分二厘爲姑邦姑邦四之而爲錢錢十六
之爲兩兩二十之而爲斤凡爲量截竹爲之升之名爲
姑刺其容一升八合斗之名爲捺黎其容倍于升者八
其婦女以月盈之夕歌于路其音美軟

凡歌番婦二三
十人歡集一婦

爲首臂挽徐步唱番歌一句衆婦
齊聲和之過親故之門皆贈錢物其國人以圖畫相解

說紙圖人物鳥獸蟲魚之形如手卷以三尺
木爲軸坐地展圖朗說番人環聽矣語其土氣恒

煥其土物多蘇木金剛子白檀香肉豆蔻鑛鐵龜筒多
紅綠鸚鵡环珠鷄倒掛鳥孔雀檳榔雀环珠綠班鳩多

白鹿白猿多蕉子椰子甘蔗石榴蓮房茄瓜有果焉其
狀如石榴厚皮而白肉其名曰莽吉柿其狀如枇杷內
有白肉甚美其名曰郎板有草焉其葉如蒟醬其莖如
筋三月而花其子如椹而緊細其名曰草撥食之已瘧
癖其根已核腫有龜焉其首背如鸚鵡大口盤背甲有
紅點斑文其名曰瑇瑁佩之可以辟蠱毒有山焉峻而
廣內多熊豹其名曰交欄之山人以射獵爲業相傳高
史征瓜
陸時登此造舡留病
卒百餘而蕃育者也其與瓜哇相接者曰重迦羅高山
秀石下有石洞前後三門是容萬人煮海爲鹽釀秫爲

酒是多穀羊鸚鵡木綿椰子其山水程有五一日孫

陀羅二曰琵琶施三曰丹重四曰圓嶠五曰彭里

其人

鈔爲業與吉陀崎諸國相通商船少能至也

其朝貢無常

洪武三年其王昔里八達刺遣其臣

八的占必等貢方物并納元所授宣諭二道十四年上金葉表來貢及黑奴三百人後絕其貢永樂二年其國東王遣使朝貢且請印章命鑄鍍金銀印遣使賜之正統八年定每三年一貢自後朝貢無常其貢物

胡椒草菱蘇木黃臘烏爹泥金剛子烏木峇紅土薔薇

露奇南香檀香麻膝香速香降香木香乳香龍腦血竭

肉豆蔻白豆蔻藤竭阿魏蘆薈沒藥大楓子丁皮香木

檠子悶蟲藥碗石華澄茄烏香寶石玳珠錫西洋鐵鐵

鎗摺鐵刀苾布油紅布孔雀火鷄鸚鵡玳瑁孔雀尾翠
毛鶴頂犀角象牙龜筒黃熟香安息香

論曰淳化間國使陀湛言中國有真主廼修朝貢禮云
故元世祖命史弼高興發舟千艘持一歲糧虎符十金
符四十銀符百鈔錠四萬費大且勞矣而卒敗沒以歸
至高皇帝以來不煩一旅朝貢且百五十餘年曾不厭
怠不遇真主則彼高枕海外可矣亦安肯低心遠汎以
臣下于方內哉

三佛齊國第四

番名淳淋邦

其國在占城南可一千里東屬瓜哇西抵滿刺加南倚大山北臨大海是爲舊港由瓜哇新村而往鐵位五更至杜板又五更平那參之山又四更平胡椒之山又四更至吉里門之山又三十五更至三麥之嶼又五更至夾門大山又五更至舊港其淡港潮汐咸二港之兩涯是多磚塔自港而入爲彭家門由是至國其俗與瓜哇大同其土沃而民富水多地少民皆屋筏維岸而居水長而浮也則遷于他多習水戰其博戰有三一曰奕基二曰鬪鷄三曰把龜其交易用中國歷代錢以布帛其

穀宜稻其畜宜六擾其土物多黃連香黃蠟降香沉香
有鳥焉其狀如鳬黑翼鶴頸鷺喙腦骨厚寸餘外紅內
黃其名曰鶴頂可以爲帶靶擠機有鳥焉其名曰火鷄
其狀如鶴長喙羊毫而圓身紅冠而青翼黑足利爪喜
食炆炭擊之不死有獸焉其狀如巨豕其高三尺其毫
前黑而後白豕喙而三跲其食草木其名曰神鹿其朝
貢無期洪武四年其國王哈刺札八刺卜遣其臣王的
力馬罕亦里麻思奉金字表文來朝貢六年復
遣使賀正旦并貢方物八年復遣使從招諭拂菻國朝
使來貢十年遣使奉表請印綬命齋駝紐鍍金銀印賜
之其貢物黑熊火鷄孔雀五色鸚鵡諸香兜羅綿被苾

布白獺龜筒烏椒肉豆蔻香油子米腦

論曰廣人陳祖義國初竄舊港爲酋長以寇鈔爲業舶人苦之鄭和至有施進卿者白和乃執祖義歸之京師誅焉而章紱進卿于其土云然則和豈貿易玳寶之使哉除異域之患爲天子光和亦賢矣又聞之和貌身長九尺腰大十圍洪音虎步文皇帝初遣時咨諸相者袁生忠澈袁生曰鄭三保姿貌材智內侍中無與儔比故令統督以往果所至畏服也

滿刺加國第五

其地在占城南可二千里大海在其東南老岸連山在其西北由舊港而往鍼位十更過官嶼之左又五更至長腰之嶼見三佛之嶼鰲魚之嶼又五更至甘巴門之水其溜迅急右曰仁義之礁左曰牛尾之礁前曰鬼嶼又五更平拔宗之嶼又五更取射箭之山又五更至五嶼循山而至其國或曰入由龍牙山門門之狀如龍角是多冠鈔以國有五嶼也舊名五嶼嘗羈事暹羅而歲輸黃金焉其土氣朝煥而暮寒有溪焉經帶王宮而入于海王則作梁溪上而齋戒纏首以白布服花青布長

衣而革履出入肩輿其民男纏首以方帕女撮髻短衫
下圍色布悅其俗淳朴其語音書記婚喪與瓜哇同其
居如樓高可四尺許片劈椰木藤以緝焉跣趺其上竈
榻弗殊其剗舟以獨木其交易以花錫鑄如斗形其重
一斤而八兩十斗小把四之而爲大把以藤束之其利
魚其穀宜一種其畜宜牛羊鷄鴨多甘蔗蕉子波羅蜜
野荔枝多黃連香烏木多姜葱芥蒜諸瓜有樹焉其皮
如葛根搗之澄以爲粉丸如菜荳日乾以齎其名曰沙
菰米可以作飯有草焉其狀如茅其厚如笋皮子如荔

枝其名曰菱葦葉子可釀酒葉可織簾有魚焉足高四尺龍首而鱗身脩牙其名曰龍是啣人有獸焉其狀如虎而小黑質花紋而善幻其名曰星虎有香焉其脂如松香可燃照爲燈鎔而拭舟可以辟水其名曰打麻兒其明瑩如金珀可爲帽珠者其名曰損都盧廝其與滿刺加接境有九洲之山其中多沉香黃熟香永樂之歲鄭和採香于此獲六株焉其徑八九尺其長八九丈是皆黑細花紋人所未覩焉其屍頭蠻之妖與占城同其朝貢不絕

永樂三年其頭目西利八兒速刺遣使奉金葉表來朝貢詔封爲滿刺加國王給印及誥

其王慕義願同中國屬郡歲効職貢又請封其國西山
詔封爲鎮國之山御製碑文賜之九年嗣王拜里迷蘇
利率其妻子及陪臣五百四十餘人朝貢命官往勞上
御奉天門宴之十年遣使來貢十二年國王母來二十
二年宣德九年國王復來正其貢物番小厮犀角象牙
統十年以後屢遣使來貢
玳瑁鶴頂鸚鵡黑熊黑猿白麀鎖袂金母鶴頂金廂戒
指撒哈刺白苾布撒都細布西洋布花縵片腦梔子花
薔薇露沉香乳香黃連香金銀香降真香紫檀香丁香
烏木蘇木大楓子番錫番鹽

論曰傳云海島邈絕不可踐量信然矣况夷心淵險不
測握重貨以深往自非多區畧之臣鮮不敗事也予觀

馬歡所記載滿剌加云鄭和至此乃爲城柵鼓角立府
藏倉廩停貯百物然後分使通于列夷歸鯨則仍會萃
焉智哉其區畧也滿剌加昔無名號素苦暹羅永樂初
始建碑封城詔爲王焉其內慕柔服至率妻子來朝實
若濬宗之親矣則和之貯百物於此也曷有他慮哉智
哉其區畧也

浣泥國第六

其國在占城西南可六千里其所統十有四州其俗修
浮圖教像而禮之善持齋戒其王之宮室覆以貝多之

葉民居以草其男女椎髻以五綵帛繫腰以花布爲衫其俗好奢其途遇中國人也有醉者則翼之歸寢其家其土氣夏寒而冬燠其利魚鹽其穀宜稻稈有秣酒多降眞香黃蠟有片腦玳瑁其鎮曰長寧鎮國之山永樂六年國王麻那惹加那上言王爵境土皆屬職方國有後山乞封表爲一方之鎮王卒其子遐旺復以爲請遂封今名御製碑文其朝貢不絕洪武四年國王馬謨沙遣其臣亦思麻逸進金表銀箋及方物永樂三年遣使封其國王麻那惹加那乃爲王給印符誥命六年王率其妃及家屬陪臣來朝至福建遣內臣往宴勞之令所過諸郡設宴至京王奉金字表文及諸環物妃進中宮東宮箋及方物上御奉天門宴王是年王卒于南京會同館輟朝三日祭賻甚厚詔謚恭順賜葬南京城南石子岡以西南夷人隸籍中國者守

之樹碑立祠命有司春秋致祭復令其子遐旺襲封遣
內官及行人護送還國十二年及洪熙元年俱來朝貢
其貢物玳瑁珠寶石金戒指金縹環龍腦牛腦梅花腦降
香沉速香檀香丁香肉豆蔻黃臘犀角玳瑁龜筒螺殼
鶴頂熊皮孔雀倒掛鳥五色鸚鵡黑小厮金銀八寶器
論曰余嘗遊金陵至石子岡過淳泥恭順王墓未嘗不
嘆天子待島夷之至而慶恭順之遭也高皇帝時命都
事沈秩御史張敬之往諭其國至于撤王座令列拜于
庭且曰皇帝爲天下主卽吾之君父其致詞若此而吾
二臣者又却其金刀貝布之贈則其慕中國而樂賓服

者非一日矣乎

蘇祿國第七

其國在東海之洋其鎮曰石崎之山其男女皆髡纏首以皂縵腰圍水印花布其俗尙鄙惡其田瘠不宜于穀

以漁鹽爲業是食魚蝦螺蛤有蔗酒其利竹布珠璣珠

徑寸者價以千金其朝貢無常

永樂十五年其國東王巴都葛叭峇刺西王巴

都葛叭蘇里峒王叭都葛巴刺卜各率妻子頭目來朝貢十九年遣使來貢

其貢物梅花腦

竹布綿布玳瑁降香蘇木胡椒荖莢黃蠟番錫

論曰余於廣志漢書觀二寸珠事及讀列仙傳云高后

時下書募三寸珠有朱仲者獻焉賜五百金魯元公主復私以七白金從仲求得四寸珠以爲誣矣今星槎編載蘇祿王所獻巨珠重幾八兩迺始信之宜乎金印之報錫也雖然不寶遠物則遠人格天朝之致此亦有由矣

彭亨國第八

其國在廣大海之南石崖環之如城其王好怪雕香木爲神以人爲牲而禱其土氣溫和其王妃以金爲圈四五飾于頂髮其民下以五色燒珠圈飾之其男女椎髻

服以長衫繫以單衣其利魚鹽其土沃其穀宜稻有椰子酒多花錫降香沉香有樹焉其狀如杉其子如荳蔻皮有甲錯其脂名曰片腦一曰龍腦食之已痔其朝貢無常

洪武十一年遣使奉金葉表貢番奴及方物永樂十二年復遣其臣蘇麻固門的里等來朝貢其

貢物金水罐檀香乳香速香片腦胡椒象牙

論曰祖訓有之諸夷限山隔海得其地不足以供給得其民不足以使令眞聖主之謨言也廼復列不征諸夷國名示諸將來而眇爾彭亨亦得載著金匱何其華榮也其稱同居海中者有淳泥國有三佛齊國有百花國

琉球國第九

其國在泉州之東其地三分而多爭一曰中山王二曰南山王三曰北山王高皇帝常有北山王怕泥芝之諭戒其略曰上帝好生恐寰宇生民自相殘害特生聰明者主之以育黔黎邇使者自海中歸云琉球三王互爭於農業少廢人命頗傷朕聞之不勝憐憫今因使者往復琉球特諭王體上帝好生息征戰而育下民可乎其山多抱合而峙一曰翠麓之山二曰大崎之山三曰斧頭之山四曰重曼之山皆峻極不可以上有龍鼈島高

華嶼彭湖島其土氣恒燠耕田田稻膏腴宜穀其利魚
鹽國無賦歛其男女服大袖連袴之衫造以花印之布
有甘蔗酒其土人善詩書好中國圖書古器洪武中中
山王遣子姪就業太學其土物多沙金黃蠟有石液焉
出于山谷其色如鶩子瑩淨而無夾焚之有紫焰其名
曰硫黃一曰崑崙王能化五金傳之已疥多善馬高皇帝常
遣使齎馬于國王察度諭畧曰王居滄溟之中崇山爲
國環海爲固朕卽位十有六年王歲遣貢朕甚嘉焉特
命尙佩監奉御路謙報王誠禮王復使來致謝朕今更
專內使監丞梁民同前奉御路謙賁符賜王鍍金銀印
一顆送使者歸就于王處齎馬其鼎峙大崎之山之東
不限多少從王發遣故茲勅諭

曰三島之國羈事琉球其民壘石依崖而居以蠶漁爲

業多木綿琉球之貢羈二載

洪武中三王皆遣使奉表箋貢馬及方物永樂以來

國王嗣立皆請命冊封後惟中山王來朝每二年許貢一次由福建以達于京師

其貢物馬疏

黃蘇木胡椒螺殼海巴刀生紅錫銅牛皮摺子扇磨刀

石瑪瑙烏木降香木香

論曰魏徵隋書言琉球無馬及洪武間屢貢良馬高皇帝遣使賜之符印就令購馬廼知前史多不足信也蓋琉球漢魏以來不通中華至煬帝令朱寬入海求訪異俗自是頻往掠取人物而還耳未嘗安然揖讓于其地

又何以得其詳也

西洋朝貢典錄卷上

西洋朝貢典錄卷中

暹羅國第十

阿魯國第十一

蘇門答剌國第十二

南淳里國第十三

溜山國第十四

錫蘭山國第十五

榜葛剌國第十六

暹羅國第十

其國在占城西可一千五百里由漳州而往鍼位見南
澳取東董之山山之狀如唐冠又取銅鼓之山又經獨
猪之山又取外羅之山又過校杯之嶼嶼之水十有八

托又過洋嶼又過靈山過伽喃模之嶼位在乙卯其出水之礁有三又過羅灣見赤坎之山又取崑崙之山又七更過真王之嶼嶼之小十有七托又過大橫之山小橫之山又過筆架之山又過竹嶼由大峯之山而入港由占城而往者入由新門臺其地方千里是多山山形如城其土氣寒煥無定其王之宮潔而麗民居如樓藉以檳榔之木簞以簾竹寢興食處於其上其王纏首以白布上無衣下圍絲帨帨壓腰以錦綺出入乘象或肩輿用葵葦之葉疊而爲蓋柄飾以金其王鎖俚之人修

浮圖教是多僧尼有寺刹而持齋戒好習水戰常用師
於隣國其俗事皆決正於婦其婦椎髻長衫繫腰以青
花色布男亦如之其纏首以白布其語如廣東之鄉音
以椰子爲酒貴者年二十則用嵌汚其送死富者葬浸
以水銀貧者棄諸海濱有金色之鳥羣集而食之謂之
鳥葬不盡則家人號哭沉骨于海而歸亦命僧齋誦而
禮佛國之西北可二百里市曰上水居者五百餘戶
百貨咸集可通雲南之後其交易以金銀以錢以海貳
其利珍寶羽毛齒草其穀宜稻其畜宜六擾有石焉明

淨如榴子其品如紅雅姑其名曰紅馬廐肯的石善香

四等一曰降真二曰沉香三曰黃連四曰羅斛多花錫

象牙翠羽犀角多花梨木黃蠟多白象白鼠獅子猫有

木焉其葉如櫻桃其脂液流淌如飴久而堅凝紫色如

膠其名曰騏驎竭食之已拆損其朝貢以三載

洪武四年其國

王參烈昭昆牙遣使臣祭思俚儕刺識悉替等來朝貢進金表并方物賀正旦八年遣使賁詔及印綬往賜之十六年給勘合文冊凡中國使至必照驗相同永樂九年其王昭祿羣膺哆囉諦刺遣使奈必表貢方物乞量衡爲國中式自後其貢物象象牙犀角孔雀尾翠毛定例每三年一朝貢

龜筒六足龜寶石珊瑚金戒指片腦米腦糠腦腦油腦

栴檀香速香安息香黃熟香降真香羅斛香乳香樹香
木香烏香丁香阿魏薔薇水丁皮碗石紫梗藤竭藤黃
硫黃沒藥烏參泥肉荳蔻胡椒白荳蔻華撥蘇木烏木
大楓子苾布油紅布白纏頭布紅撒哈刺布紅地紋節
智布紅杜花頭布紅邊白暗花布乍連花布烏邊葱白
暗花布細棋子花布織人象花文打布西洋布織花紅
絲打布剪絨絲雜色紅花被面織雜絲打布紅花絲手
巾織人象雜色紅花文絲縵

論曰暹國世稱赤眉遺種尙矣而莫究其詳繼覽梁史

云頓遜之國其俗多鳥葬親賓歌舞于郭外有鳥食盡
乃去其骨沉海中云云與馬歡所見者符合且頓遜史
云東可通交州而暹羅歡亦云西北可通雲南其跡又
足徵然則暹國在梁殆爲頓遜也

阿魯國第十一

其國在滿刺加西南可八百里

善風四晝夜程由淡水港入國

其地西

接蘇門答刺南環大山北臨大海其婚喪諸俗與瓜哇
同其利布帛暨魚其穀宜稻其畜牛羊鷄鴨有獸焉其
狀如猫灰身而肉翅其名曰飛虎獲之卽死有樹焉其

脂類薰陸其色赤紫焚之烟如凝漆而清婉其名曰金
顏香有伐樹而取堅皮而黑理其名曰黃速香其朝貢
無常永樂五年其王速魯唐忽先遣其臣滿刺哈三等附古里等國來朝并貢物其貢物象
牙熟腦

論曰西洋諸國永樂間初來朝貢者四十有二其阿魯
雖瑣細島夷因中使臨顧其地故得牽聯而載之若娑
羅至日落等二十九國皆未嘗至焉不得誣而書也

蘇門答刺國第十二

其國在滿刺加西南可一千里由滿刺加而往五更至

假王之嶼嶼之水三十托又九更過吉貝之嶼之港又

四更平鷄骨之嶼又八更至雙嶼又四更過卑嶼之左

又五更至阿魯國之港又十更至淡洋又五更至大魚

之港又五更至巴刺之嶼又五更至急水之灣有泥礁

而鼓浪焉又五更至國

國人稱爲古須文達那國廼西
洋轄路滿刺加西南行五晝夜

至清海一村番名荅魯蠻繫
船又東南行十餘里至國

其地南環大山北臨大海

東抵阿魯國西連那孤兒黎代國有溪入于海是達潮

汐其土氣朝煥如夏暮寒如秋其夏秋之間是多瘴其

山童而土石俱黃國無城郭其俗淳其語音婚喪服飾

與滿刺加同其民居如樓藉以椰子檳榔之木其蠶絲

而不編其漁于海朝出而暮歸其交易以金錢錫錢金

曰底那兒淡金鑄圓徑官寸五分面底有紋重官秤三分五厘一日每四十八個重金一兩四分恒

用錫其利硫椒其穀宜稻歲二穫其畜宜牛羊鷄鴨羊

皆驪毫硫黃出于巖穴椒則山園種之蔓生如廣東甜菜花黃白結椒成穗生青老紅摘取日乾粒虛

大官秤百觔易本處金錢百個值銀一兩一日其土物

官科三百二十觔價以銀錢二十個重六兩

多甘蔗芭蕉子莽吉柿波羅蜜柑橘其柑橘四時不絕

獅橘綠橘不酸壞而可藏有果焉其狀如消梨綠皮而

圓核香烈而備五味其名曰俺拔其狀如芡實臭葉而

刺皮熟則辦開其肉白而味如栗其名曰睹兒烏多惹

芥蒜姜諸瓜

西瓜紅仁綠皮有長至二三尺者

其國之西曰那孤兒戶

千餘其穀宜稻其畜宜牛羊其俗猱頭而文面上下並

耕而食又西曰黎代戶二千餘其都倚山臨海多野犀

牛二國皆羈事于蘇門其朝貢無常

永樂三年其王鎖丹罕難阿必鎮遣

其臣阿里來朝貢詔封爲國王及誥五年至宣德六年其

年屢遣使來貢表用金葉十年復請其子封爲王貢物馬犀牛龍涎撒哈刺梭眼寶石木香丁香降真香

沉速香胡椒蘇木錫水晶瑪瑙番刀弓石青回回青硫

黃

論曰鄭和在舊港執陳祖義至蘇門又執蘇幹刺雖古之義人烈士何以加焉昔蘇門王中他王毒鏃死王妻號于衆曰能報者身願爲偶有漁人舉兵滅之王妻卒踐盟配漁人嗚呼以賤臣而烝國母履王位破賊倫化甚矣蘇門王之子長而殺漁人豈不偉哉蘇幹刺者漁人子也因蓄聚而圖蘇門王之子和發兵執之且不敢專殺檻車京師兩除島夷之害和其賢臣也哉和其賢臣也哉

南洋里國第十三

其國在蘇門西可六百里一曰南巫里國由沙里八丹

而入鍼位十晝夜見觀延之嶼又平中央之嶼又巡年

嶺之山以至其國

蘇門西行善風三晝夜到國

其地東接黎代西北

臨大海南繞大山其王與民咸回回人主之宮室如樓

藉以木是用食處其高可四丈樓之下圍養六擾民居

與蘇門同其俗朴其交易以銅錢其利魚其畜宜牛羊

鷄鴨多犀角蓮花降香其西北海內有山焉龍嵒平頂

名曰帽山山之西有大海是曰西洋一曰那沒嚟洋

西來

海舶向山爲準山民戶二三十餘皆稱爲王問其姓答曰阿孤喇查

有海樹焉生于海底

其狀如枝柯明潤如紅玉其高二三尺其名曰珊瑚可

以已目腎

生山邊二丈上下淺水內番人撈取爲寶鬻賣亦常碾其根以爲數珠

其朝貢

無常

永樂七年王率臣下數十人自隨寶船至京進貢

論曰南巫里戶不過千餘而王與牛羊雜處其亦不足爲國也矣而往錫蘭山諸國者必經焉且其王嘗親浮海稽首于紫庭斯可取也

溜山國第十四

其國在小帽西南可二千里由彭加刺而往取北辰四指有半又取北辰三指有半又取北辰二指一脚之半

又取北辰二指半脚又取北辰一指三脚之半又取北辰一指三脚又過鸚鵡嘴之山又五更見鐵砧之嶼又七更見佛舍座之水又五更見牙里之大山由是至溜官之嶼而及其國其地四面濱海倚山爲郡其都曰牒幹其上下皆回回人婚喪一如其教風俗淳美男纏首以白布以金帕下圍悅女悅蓋首上短衣下亦圍悅其膚體咸黑其土氣恒煥其交易以銀錢

重官秤二分三厘

其利

魚舫其穀宜稻麥其畜宜牛羊鷄鴨凡爲杯以椰子爲腹花梨爲跗凡爲舟不以鍛鐵以椰纒繩之而貫之而

楔之以龍涎鎔之而塗之凡取龍涎多于溜嶼其嶼石
多蟠龍春而吐涎羣鳥集之羣魚嗜之其黃者如膠黑
者如五靈白者如藥煎其氣腥或得之魚腹其大如斗
圓如珠其價以兩而易凡兩易金錢一十有二凡斤易
金錢一百九十有二凡取海貳山積之而罨之腐之凡
取馬鮫魚斫之而暴之貯之其來易者爲暹羅之商爲
榜葛刺之商國之西海有石門狀如城闕者三有溜山
焉凡八一日沙溜二日官嶼溜三日人不知溜四日起
來溜五日麻里奇溜六日加半年溜七日加加溜八日

安都里溜皆可通海舶皆有聚落其通也有主焉又西
有小窄溜是有三千是皆弱水卽所謂弱水三千者焉
一曰有三萬八千餘溜舟風而傾舵也則墜于溜水漸
無力以沒其小窄溜之民巢穴而處魚而食草木而衣
其朝貢無常永樂五年遣其臣來朝貢
論曰山海經諸古書及酈道元所引論弱水多矣雖通
人辨士莫之能明也茲復知有溜山弱水矣見覽雖益
廣遠而天地之大終不能窮焉

錫蘭山國第十五

其國在南帽山西可三千里由蘇門荅刺而往鉞位十二更見南帽之山又四更半歷龍涎之嶼又十更過翠藍之嶼嶼之水三十托一曰梭篤蠻山山有七門四疊而一峻山人之出也則乘獨木之舟夏爲巢居冬爲穴處其體裸不可以布帛被之則泥爛紉綴樹葉而爲蔽山芋波羅蜜芭蕉子魚蝦以爲食又九十更見鸚鵡嘴之山又至佛堂之山又更平牙里其下有沉牛之礁鼓浪焉外過之水三十托又十更至別羅里是謂錫蘭國之港又北行五十里而至國其臨海之山有釋迦登

岸之足跡其長可二尺許其陷之水四時不涸名曰佛水至者蘸拭其面目左有寺塑釋迦之卧像其身不朽其寢座以沉香木爲之飾以衆寶佛牙舍利俱藏焉其王鎖俚之人脩浮圖教重象暨牛私解者辟或贖以牛頭金國人咸灰牛糞塗其體食惟其乳死則埋之自王而下晨用牛糞塗其居而後禮佛其拜兩手舒之前兩股舒之後胃腹著地以禮佛謂之五體投地其山之巔有神人阿耨之足跡陷于石者二尺許一曰人祖一曰盤古其海中勝望曰白浮之沙日而照也則光彩燦爛

爲國人之游望是多螺蚌其王宮之前曰珠池凡三年則採煉其採也取沙中之螺蚌納之池俟其腐爛水盈而珠出則取而納焉其地廣其民富饒其男裸下圍絲帨謂之厭腰纏首以白布女椎髻下圍白布其恒食以牛乳以醍醐以檳榔瓊葉食皆暗室其國人不鬚喪則蓄焉其葬也以火取骨而埋之喪之婦標乳號哭而爲禮其交易以金錢其利玉石珠璣其穀宜稻菽其畜宜牛羊鷄鴨

金錢重官秤一分六厘中國麝香紵絲色絹青磁銅錢樟腦等物波則以寶石環珠易換

其寶石六物一曰紅雅姑二曰青雅姑三曰黃雅姑四

日青米藍石五日昔藍泥六日屈沒藍是寶石也皆產
于參天之山巔洪雨之衝則流于山麓之沙中國人于
是而拾採多芭蕉子波羅蜜甘蔗多椰子多龍涎乳香
其朝貢不絕永樂九年以拒絕朝使歸路破其城生擒
國王亞烈苦奈兒及家屬命釋之擇其屬
之賢者立爲王十年詔諭其國王不刺葛麻巴思刺查
正統十年國王遣其臣耶把刺謨的里啞等朝貢天順
三年其王葛力坐夏告利把交刺惹復遣使來貢其貢物寶石珊瑚水晶金戒
指撒哈刺象乳香木香樹香土檀香沒藥西洋細布藤
竭蘆薈硫黃烏木胡椒碗石

論曰梵書載釋迦生于迦毗羅國淨飯王其父也至涅槃

槃時度須跋陀羅右脇而卧今馬歡載錫蘭別羅里云
卽涅槃之地且云卧身尙存不朽以爲誣焉又何其言
之分明如此也

榜葛刺國第十六

其國在翠藍嶼西北可七千里一曰東印度之國地方
千里由蘇門答刺而往也取帽山翠藍西北而行善風
二十日至浙地之港一曰泊察地小舟以入五百里至
鎖納兒之港港有城池街市又行二十站及坂獨哇而
至國其國城郭壯麗其王有大殿四方而臺飾爲間凡

朝貢典錄

卷中

十一

九三門而入殿之柱裏以黃銅鑲以花獸其王之衣冠王之臣之衣冠俱回回製上下皆回回人婚喪一如其禮其民善富庶而淳好爲商賈其男子髡纏首白布服圓領長衫下圍色帨革履女子椎髻短衫圍色布絲綿珥寶鈿項珮瓔珞手足約以金鐲戒指其土氣恒燠其定歲以十二月國無閏刑止于流百職有印符行移掌軍者謂之巴斯刺兒有醫師卜人星官暨百工市肆咸備其語謂之榜葛俚亦善吧兒語樂工謂之根肖速魯奈凡夙興舉樂于富貴者之家擊小鼓一人擊鼗鼓一

人吹簫篳篥一人其音節先徐而後促舉畢則予之酒物
倘伽凡欵賓以檳榔凡宴享用樂婦歌舞以娛賓樂婦
之飾也服淺紅線布之花衫下圍色絲帨肩項佩五色
硝子珊瑚琥珀珠之纓絡腕約青紅硝子之釧鐲其俗
有虎戲鐵索拽虎而行其戲也解索虎躡而據人裸以
擊虎虎乃咆哮作勢與人而對躍人時掉臂于虎口戲
而畢則虎伏于地閱戲之家飼虎以肉與人以倘伽其
交易以銀錢名曰倘伽以海貳名曰考嚶其利布帛其
穀宜五種歲二穫其畜宜六擾

銀錢重官秤三分徑官
寸一分二底面有紋

海賦其酒之品有四一曰椰子酒二曰米酒三曰桐子
計斤

酒四曰菱葦酒其布帛之品有六宐布謂之卑泊廣二
尺長五丈六尺勻細而白黃布謂之滿者提廣四尺長
五丈緊而密布羅謂之沙納巴付廣五尺長三丈狀如
生平羅布紗謂之忻白勤搭嚟廣三尺長六丈纏首巾
之如三梭者謂之沙塌兒廣二尺五寸長四丈兜羅錦
謂之驚哩慕勤廣四尺長二丈背面有絨起可四五分
其土物有珊瑚環珠水晶瑪瑙翠羽多芭蕉子波羅蜜
石榴酸子甘蔗多酥蜜多瓜葱薑芥茄蒜有駱駝有桑

皮紙有木焉弱修而青葉朝花而暮歛如夜令其子如
李其名曰菴摩勤一曰餘甘食之已丹石毒其接天詔
之日明甲馬隊千餘設于左右長廊明光甲巨漢乘劍
持弓矢以侍孔雀翎之蓋百具設于丹墀象隊百設于
殿上其王陞八寶座橫劔于膝廼有持銀杖者二人引
導五步一呼至中則止復有持金杖者二人引導如前
其王肅恭拜迎詔勅叩首而加額其開讀賞賜之訖也
是陳絨毯於殿以宴天使以牛羊爲燔炙以薔薇之露
諸香之蜜水而爲飲其朝貢無常

永樂六年其國王嚕
牙思丁遣使來朝貢

九年至太倉命行人往宴勞之十二年又遣其臣把其
一濟等來朝貢麒麟等物正統三年貢同表用金葉其
貢物馬馬鞍金銀事件戩金琉璃器皿青花白磁撒哈
刺者扶黑荅立布洗白苾布兜羅錦糖霜鶴頂犀角翠
毛鶯哥乳香麝黃熟香烏香麻藤香烏爹泥紫膠藤竭
烏木蘇木胡椒

論曰榜葛刺其饒富多儀之國也夫觀其于天朝正使
有金盃繫腰盆瓶之獻于副使有銀盃繫腰盆瓶之獻
于行人有金鈴紉紵長衣之獻于兵士有銀錢之獻非
饒富多儀曷克若此云

西洋朝貢典錄卷中

朝貢典錄

卷中

西洋朝貢典錄卷下

小葛蘭國第十七

柯枝國第十八

古里國第十九

祖法兒國第二十

忽魯謨斯國第二十一

阿丹國第二十二

天方國第二十三

小葛蘭國第十七

其國在別羅里西北可一千二百里由是而歸南巫里也
鍼位第一之日丁未丁午第二之日丙午第三之日丙
■第四之日丙巳第五之日巽巳第六之日辰巽第

七之日乙辰乙卯以求南巫里焉其地東連大山西南
北濱海其王脩浮圖教其俗重象豕牛其風俗與錫蘭
山大同其和飯以酥曰二食其交易以金錢重官秤一分其
利蘇椒其穀宜稻其畜宜牛羊牛黃毫羊青毫其朝貢
無常永樂五年附蘇門答刺國來朝貢其貢物環珠傘白綿布胡椒
論曰小葛蘭星槎編又云小咀喃云其國山連赤土日
中爲市而赤土者扶南之別種也西則婆羅娑國東則
波羅刺國南則訶羅旦國不知何者爲小葛蘭也

柯枝國第十八

其國在小葛蘭西可二百里柯枝之港水可四托其地
東倚大山西南北濱海其王纏首以黃白布上無衣下
圍紵絲帨壓腰以色紵絲其男女椎髻服以短衫圍以
單布其民之居用椰子木以椰葉緝而蓋其藏百物以
庫以磚爲之其爲人五種一曰南昆是爲王族二曰回
回是爲仕族三曰哲地是爲富族四曰革令專是爲庸
保五曰木瓜是爲賤類居限三尺衣限臍膝途遇哲地
以上則伏任負是事其狀如儼人其王修浮圖教敬象
暨牛國有梵宇其佛像鑄以銅座以青石爲之座之周

咸砌水溝溝傍鑿井夙興必鳴鐘鼓汲水以灌佛頂羅
拜而退其出家者名曰濁肥而蓄妻其髮出胎不理不
剃澤以酥捏而爲縷被于後灰牛糞以塗體以黃藤束
腰幅布掩形時常吹海螺妻隨以行其土氣恒煥無霜
雪其雨以半載晴以半載二月雨起即乘屋脩葺備米
物五月六月日夜下滂沱大
雨街市成河至七月盡止其交易以金銀錢金曰法南
八月始晴次年又復如是
銀曰答兒金重官秤一分一厘銀重四厘
大如螺鑿金錢一換銀錢十五其利胡椒玳
珠珊瑚胡椒園種之富者居以待商以觔而易爲斤一
十有六而爲封刺二十有五而爲播荷凡播荷以金錢

一百易之視銀之爲兩者五环珠以分而易凡分至三
以上以金錢一千八百易之視銀之爲兩者百珊瑚以
兩而易倩工剪旋以成珠磨淨而售其穀宜黍稻稷菽
其畜宜六擾是多象其朝貢無常

永樂三年其國王可
亦里遣其臣完者各

兒來朝貢十年復遣使來請封其國
之山詔封爲鎮國山御製碑文賜之

論曰柯枝凡雨半載而霽霽半載而雨不知大化胡爲
其然也昔魏徵叙赤土言其國冬夏常溫雨多霽少理
庶幾矣必曰半載其果親目之乎然赤土今與小葛蘭
爲鄰其卽爲柯枝章章矣

古里國第十九

其國在柯枝西北可六百里東至坎巴夷替國西臨大

海南連柯枝國北接狼奴兒國地方千里其王脩浮圖

教殿而事之佛像謂之乃納兒以銅爲之殿覆以瓦以

銅爲之鑿井于傍凡晨起王汲以浴佛是敬象牛王每晨俗

佛禮拜訖取黃牛淨糞盛以銅盆水調以塗壁地頭目

富家亦如之又煨成白灰盛以布囊水調以塗額股是

爲敬佛傳云昔有神人其名某些適他國時命弟撒沒

嚶以攝撒沒嚶鑄金牛矯誣國人曰此天神也國人遂

皆敬禮某些還銷金牛撒沒嚶乘象逝去國人思之而

莫其歸每月言月中必至及月中又言月盡必至逮今

未絕也南昆人其爲人五種南昆回回哲地革令專木

之敬象牛由此

瓜南昆不食牛回回不食豕互以爲禁婚喪各如其類
其頭目二人是掌國事其男長衫纏首以白布女短衫
椎髻圍以色布珥金牌珠索項佩珠寶珊瑚瓔珞手足
俱約以金銀鐲以金寶戒指其容白而艷國人修回回
教者十之六有禮拜寺寺有三十餘凡七日一禮拜已
而往未而歸權謂之法刺失量謂之党戛梨以銅爲之
其制俱倍中國十分之六權椒爲斤二百五十謂之一
播荷其價金錢二百權香貨爲斤二百謂之一播荷布
謂之搭梨其廣四尺五寸其長二丈五尺其價金錢十

五色絲帨謂之西洋手巾其廣五尺其長一丈二尺其價金錢百筭人謂之米納凡筭之法計以四支十指其交易而成也携手而誓無悔其交易以金銀錢金曰吧南銀曰搭兒

其錢面底有紋用六成金鑄造徑官寸三分八厘重官秤一分銀錢重三厘其

利椒椰椰子之種也富家千樹以爲恒業其資用也漿爲酒肉爲糟飯糗爲索殼爲碗爲酒食器灰可廂金木以架屋葉以蓋其穀宜稻其畜宜牛羊鷄鴨國有樂婦以葫蘆絃銅絲而歌其位以女腹爲嫡傳之姊妹之子無姊妹之子則傳之弟無弟則遜于有德其刑有罰金

斷手足斬族之等不服者探之沸膏而驗之

以右手二指置油鍋

黑而取出封裏下獄三日開視如爛壞卽加刑否則鼓樂送同

其國有鹿兎能蓄良馬

凡疋價以金錢千其土物有薔薇露有金縷寶帶其造也赤金三觔抽絲如髮綴結而成間以珠寶有環珠珊珊瑚珠哲地居之公鬻而取稅多萊菔胡荽薑蒜四時冬瓜其狀如小指其長二寸味如青瓜紫皮而大葉曰紫皮瓜多芭蕉子波羅蜜有樹焉其高丈餘結如綠柿內子數十熟而自落者其名曰木鼈子有蝙蝠如鷹者在樹而懸宿有鷹鴉燕鷺多孔雀家蓄之其朝貢無常

永樂

三年遣使朝貢詔封爲古里國王給印及誥五年七年復遣使來朝貢

其貢物寶石金縷

腰珊瑚珠琉璃瓶琉璃碗拂郎雙刃刀寶鐵刀蘇合油
阿思摸達塗兒氣龍涎梔子花花氈單伯蘭布苾布紅
絲花手巾番花人馬象物手巾線結花靠枕木香乳香
檀香錫胡椒

論曰昔扶南俗事天神以銅爲象而有訟者以金環鷄
子投沸湯中令採取之若無情者必焦爛焉而今之古
里亦有天神之談採手之法又云扶南去林邑七千餘
里今校之亦合余疑古里卽扶南之地云

永樂三年鄭和統大船寶船賁詔勅封爲古里王及
頒詔命銀印陞賞頭目品級官帶建亭刻石其略曰
爾王去中國十萬餘里民物咸若
俾熙同風刻石于茲永垂萬世

寶船至彼王遣頭目哲地米納凡見正使擇日論價
將中國錦綺百貨議定乃書合同價數各存之頭目
哲地與正使衆手相拏其牙人言曰某月日衆手拍
一掌無悔哲地始携珊瑚玳瑁珠寶石來議價二三月
方定原經手頭目米納凡算番物若干
該紵絲等物若干照原打手之貨交易

祖法兒國第二十

其國在古里西北可二千里西北倚山東南臨海以石
爲城爲屋層起如浮圖其民容體偉長而性朴其王纏
首以白布服錦袍間服青花絲嵌圓領足有花靴其出
入以輿馬前列象駝後吹叭喇鎖捺擁行其民男纏首
以色布服長衣足不跣女蒙首面以布其上下崇回回
教有禮拜寺禮拜之日咸罷市塗體以薔薇露以沉香
油薰衣以沉檀俺八兒香其將禮拜也浴而塗體乃服
淨衣薰香于跨下薰而往街市爲之芬芳不欲其婚喪

悉行回回禮其土氣溫和其交易以金錢以紅銅錢金

曰倘伽

金重官秤二錢徑一寸五分一面有紋一面人形銅徑四分

其穀宜五種其

畜宜六擾多血竭蘆薈沒藥乳香木鼈子多芥瓜有雙

峯駱駝有金錢豹有禽焉長身而鶴頸足四尺而二爪

其狀如駱駝其名曰駝鷄是食五穀有香焉其樹高可

三丈葉有四角黃花而碧心其膠如飴其名曰安息食

之已鬼疰其味篤耨其色如紫檀其汁濃淨而無滓其

名曰蘇合油塗之已風其朝貢無常

永樂中遣其臣朝貢方物

論曰自柯枝而西去天方益近而流風沾被修回回教

者益謹至薰沐其身而始禮拜其真信習之篤也哉

忽魯謨斯國第二十一

其國在古里西北可五千里其地倚山臨海其國富以石爲城是多番商其王修回回教有禮拜寺日五度而禮拜恒齋沐其俗淳厚其人白身而魁偉其男卷髮長衫善騎射女編髮四垂黃漆其頂服長衫出則色布蓋首紅紗蔽面珥絡索金錢以黛飾眉花紋飾唇頂佩珠寶珊瑚瓔珞四腕俱約金銀鐲其婚喪用加的禮掌禮之官謂之加的

凡婚禮男家先宴加的親族媒氏然後二姓述三代譜系爲之書而後成禮否

則以姦論喪禮以細白布爲大小殮衣瓶盛淨水三灌
屍以麝腦填口鼻服衣入棺墳以石砌壙藉淨沙五六
寸棺至出屍入壙石其書記用回回字其市肆咸備國
板蓋土築成隆阜

有酒禁飲者棄市其國勝兵良馬醫卜技藝皆冠于西

洋其民有羊猿之戲

羊戲用木尺許頂平正可容羊四蹄者樹地一人拍手念誦羊依拍

鼓舞近木前足搭木頂後足跳上似舞狀人將木段五六次接上高丈許於中推斷接羊置地羊臥作死狀令舒前足卽前舒之令舒後足卽後舒之猿戲以三尺黑猴演弄畢令一人怕縛猴眼別令一人潛擊猴首雜于衆中解縛猴于千人其交易以銀錢名曰那底兒其利中徑取出擊首者

玉石其穀宜稻麥其畜宜六擾

銀錢徑官寸六分面其底有紋重官秤四分

土氣有寒暑有霜雪少雨多露春而花開秋而葉零有

山焉其陽多紅鹽其陰多白堊其東多丹雘其西多黃
堊其珍寶之類有八一曰五色雅姑刺石二曰粗杷碧
三曰祖母喇四曰猫睛石五曰金剛鑽六曰珊瑚七曰
五色玉器皿八曰大珠狀如龍眼者有之諸珀謂之撒
白植其類有五一日金珀二曰并珀三曰珠神珀四曰
蠟珀五曰黑珀織之類有四一日十樣錦剪絨絨起一
分長二丈濶一丈二曰五色梭幅三曰撒哈喇毯紗四
曰青紅絲嵌手巾羊之類有四一日九尾羊二曰大尾
羊三曰狗尾羊四曰鬬羊

一等尾濶尺餘拖地重二十
餘斤一等狗尾羊如山羊尾

長二尺餘一等關羊高二尺七八寸前半截留毛後剪淨頭似綿羊角彎向前上帶鐵牌行動有聲此羊快關好事者蓄之以博錢物有獸焉其狀如猫資如玳瑁黑耳而性仁

出則百獸伏地其名曰草上飛番名曰昔雅鍋矢其薔蘿狀如藕而紅色其胡桃質薄而白其松子長寸許其葡萄四等有如蓮子色白而無核者有如白豆圓而白者有紅者有紫者有果焉狀如胡桃尖長色白內仁甘美者名曰把畔果其石榴花如拳果如鍾有林檎桃甘蔗西瓜其萬年棗一名曰梁沙布凡三等有狀如拇指小核而結霜味如石蜜者有接爛而成軟塊味如柿者

有狀如南棗而味澁是用養牲者其朝貢無常

永樂五年遣其

臣將麒麟等物并備金葉表文跟隨同洋寶船進貢

論曰西洋葬埋之禮微舉者鮮矣此獨能行焉且往往符情合制可尚也已然居中國彝倫之地有火其親者不有愧於斯耶不有愧於斯耶

阿丹國第二十二

其國在古里西可六千里其國濱海以石爲城其民庶而勇騎步兵可二萬威振鄰國其上下修回回教其語似阿刺畢其王尙禮

永樂辛丑正使太監李等賫詔賜其王奠到冠服蘇門答刺國分

鯨周 許領寶船往彼王率頭迎入王府王冠金冠
甚肅 讀賞賜畢王諭國人有珍寶者許易 服黃袍帶以金寶有禮拜寺其王日一禮拜金冠易以
白布纏首頂有金錦飾黃袍易以白車而往其臣服有
等其國人纏首以色布服撒哈喇梭幅錦繡足有靴鞋
其女長衣項佩珍寶纓絡珥寶環四腕約寶鐲手足指
約以金環蒙首以絲嵌悅僅露其面其金銀之工精巧
爲西方之冠其食造以酥蜜其民以石爲屋石之名曰
羅股以磚覆之高五丈而三層有浴室有酒壚有綵帛
典籍之肆其交易以金錢以紅銅錢金曰哺嚙銅曰甫

嚙斯其利玉石其穀宜五種其畜宜牛羊鷄犬

金重官
秤一錢

底面
有紋

其土氣溫和其定歲以十二月爲一歲以哉生明

爲一月其美歷如神某日而春暨期枯者敷華某日而
秋暨期榮者凋落蝕而蝕潮而潮風而風雨而雨靡有
違忒其貿採之物異者十有二品一曰猫睛之石二曰
五色亞姑三曰大珠四曰珊瑚文五曰金珀六曰薔薇
露七曰麒麟八曰獅子九曰花福鹿十曰金錢豹十一
曰駝鷄十二曰白鳩土物多紫檀木薔薇花多萬年棗
把擔乾白葡萄松子榴杏有象有千里駱駝九尾殺羊

其白毫無角角處有兩圓黑毛項如牛狗毫而盤尾者
名曰綿羊有獸焉其狀如騾白身白面而青紋其名曰
花福鹿其足前高九尺後高六尺蹄三跲匾口而長頸
奮首高一丈六尺首昂後低二肉角牛尾而鹿身其名
曰麒麟是食五穀其狀如虎元質而無紋巨首而潤唇
其尾黑長如纓其吼如雷百獸見之伏不敢起者其名
曰獅子其朝貢無常

永樂間遣使脩金葉表來朝貢

論曰國初天監外設回回司天監取回回人世官之用
本國土板歷並兼推算乃知聖主御世一善弗遺者矣

嘗聞之長老云月蝕非回回歷算安得不謬如此今阿
丹人所算春秋候是尤奇也

天方國第二十三

其國在古里西南可二萬里

古里西南申位行善風三
月至鎮番名秋沿守以頭

目秋沿西行一日至王城本
名默伽國而又謂之天方

其王修回回教其俗和美

而富見月之初生也上下皆稽首而禮天其容貌偉正
紫色男纏首長衣足有皮鞋女蓋首面不露其語用阿
刺畢國有酒禁其婚喪悉行回回禮其禮拜之寺曰天
堂其堂四方而高廣謂之愷阿白以黃金爲佛像以玉

爲座堂之周如城以五色石壘砌城之門四百六十有
六其堂以沉香爲梁梁有五以黃金爲閣以黃甘玉布
地以薔薇露龍涎香日塗堂之四壁馨香不絕以白玉
爲柱柱凡四百六十有七前之柱九十有九後之柱一
百有一左之柱一百三十有二右之柱一百三十有五
其堂之幔以紵絲色用皂其守堂獅子二色咸黑他國
至堂而焚香也歲一至不遠萬里而來以十二月十日
爲期每年此日諸國回回人雖海行一二年遠道者亦
至此堂禮拜皆割取堂內皂幔一方去爲記憶盡
則王又以其堂之左有古佛墓是爲綠撒卜泥寶石之
幔代之

所築其長一丈二尺高三尺廣五尺其墓之垣以泔

黃玉高五尺其城四隅咸有寶塔禮拜者登焉有授法

之堂皆五色石爲之其土氣恒燠無雨電霜雪四時玉

燭草木常不零落其甘露日降國人承露以食其交易

以金錢名曰倘伽其利玉石其穀宜五種其畜宜六擾

錢徑官寸七分
重官秤一錢

其國西行百里曰慕底納城城之東曰

謨罕慕德神人之墓墓頂有五色光旦夕輝煌不絕墓

後有泉其名阿必慘慘其味甘美其泉能息波濤泛海

者必汲藏于舟遇颶風而灑之也波濤隨息其土物有

薔薇露俺八兒香有豹鹿草上飛麒麟獅子羚羊多龍
馬有駝鷄駱駝驢鳬鵠其花有纏枝花樹如大桑高
二丈歲二收有葡萄萬年棗石榴林檎梨西瓜巨桃一
桃而用二人以舉其朝貢無常宣德中使鄭和至西洋
遣通事七人賫麝香磁
器緞疋同本國船至國一年往回易得各色奇異寶石
并麒麟獅子駝鷄等物并畫天堂圖一冊回京其天方
國王亦遣其臣沙琳等
將方物隨七人來朝貢

論曰天堂之諺久矣蓋慕其樂土也今觀其國所有迺
知諺語爲不虛焉但國史以默德伽別于天方而歡云
卽其地余詳考之謨罕慕德默伽王也而天方之西

有其墓焉則一國二名者矣

西洋朝貢典錄卷下終

清道光二十一年歲次辛丑金山錢熙祚錫之甫校梓